

Guaraní - Ánga Ñandejára Ñe'ẽ - Soul Scriptures

Mateo 11:28-30 Peju che rendápe opa peẽ pene kane'õ ha pemba'apo pohýiva, ha che pomombytu'úta. 29 Peheja tamoi pende apére che mba'e pohýi, ha pejapo che ha'éva peẽme. Ha peikuaáta che py'a porãha ha ndajejapoiha, ha che ndive pejuhúta pytu'u. 30 Pe mba'e pohýi amoítava pende apére niko ivevýita peẽme, ha ndaipohýi mo'ãi upe aipotáva peraha.

Génesis 2:7 Upérõ Tupã Ñandejára ojapo ñai'ũgui kuimba'e ha oipeju itĩnguápe ipytu oporomoingovéva. Ha upe kuimba'e oñepyrũ oikove.

Génesis 34:2,3,8 Ha Siquem, Hamor hevéo ra'y, mburuvicha upepegua, ohecha chupe ha ogueraha orãirõ. 3 Upéi iñakã raku Dina rehe, ha ohayhúgui oñeha'ã ojehayhuka chupe. 8 Hamor he'i chupe kuéra: Che ra'y Siquem ohayhu eterei pene reindýpe, ha aipota peme'ẽ chupe hambirekorã.

Números 21:4 Ojere haguã Edom guágui, Israel ñemoñare oho yvyty Hórgui tape rupi ohóva Mar Rojo gotyo. Tape rehe katu Israel ñemoñare ikane'õ ha ipochy,

Deuteronomio 4:29 Upépe pehekáta Tupã Ñandejárape, ha peheka ramo pende py'aite guive pejuhúta chupe.

Jueces 16:16 Ha manterei oporandu chupe. Hapykuéri niko oiko ha oporandu jey-jey chupe ha amo ipahápe omonguerairóma Sansónpe.

1 Samuel 18:1 David oñe'ẽmba rire Saúl ndive, Jonatán oiko David irũ tee ramo ha ohayhu chupe ijupetéicha.

1 Reyes 1:29 David ome'ẽ chupe péicha iñe'ẽ: Tupã che Jára rérape, che pe'a vaekue opa jejopy vaígui, ame'ẽ ndéve che ñe'ẽ,

2 Reyes 4:27 Upéi oguahẽ pe yvyty oñháme Eliseo, ha oñañuã ipy. Guehazí oñemboja oipe'a haguã ha Eliseo he'i chupe: Eheja, ojepy'apy eterei hína, ha ko'ágã peve Ñandejára nde'íri chéve mba'épa ojehu chupe.

Job 7:11 Upévore ndaikatúiva akirirĩ. Py'aro ha ñembyasy arohasáva ahendukáta.

Job 14:22 hete rasyha mante oñandu, vy'a'ỹme mante oiko.

Job 19:1/2 Araka'e peve piko pe che myangekóita, ha pe che kutúta pene ñe'ẽme?

Job 27:1/2 Ame'ẽ che ñe'ẽ Tupã ipu'akapávare, nda che recha kuaáiva ha che myenyhẽva py'arógui,

Job 30:25 Na che rasẽivapa umi oñembyasývare, ha ndaiporiahurerekóipa umi oikotevẽvape?

Salmos 6:3,4 Akyhyjégui asusũmba, ha nde che Jára, araka'e piko rejúta che rendápe? (4)5 Tupã, eju che pe'a jejopy vaígui. Nde che rayhúgui che pe'a jejopy vaígui.

Salmos 7:(1,2) 2,3 Tupã che Jára, ne rendápe añemboja, nde guýpe añemo'ã.

Umi che rayhu'ỹva ha che jopy vaívagui che pe'a, (2)3 ani jaguaretéicha che jukase, ha che rete omondry, ndaipórigui jejopy vaígui che pe'áva.

Salmos 17:13 Ñandejára, epu'ã eñemoĩ hese kuéra, yvýre eity. Nde kysépe che renohẽ iñañáva po guýgui,

Salmos 23:3 Che mombarete jey, ha tape hekópe guáre che reraha héra rehehápe.

Salmos 25:20 Ñandejára, eñangareko che rehe ani haguã amano. Anítei reheja añemoĩ nde rehe ajerovia haguére.

Salmos 33:19 Umívape ha'e ndohejái omano. Omoingove katu chupe kuéra ñembyahýi guasu ou jave.

Salmos 34:(22) 23 Ñandejára oguenohẽ jejopy vaígui hembiguái kuérape, ha mba'eve ivaíva ndojejapói chéne umi hendápe oguahẽvare.

Salmos 35:12,13 Iporáva ajapóva omyengovia chéve tembiapo vaípe. Ha che py'a yvýre ho'a. 13 Ha'e kuéra hasy jave katu, che upe chupe kuéra añandúva. Añemonde ao vosakuépe ha ndakaruvéi, ha che py'a pýpe añembo'e mante.

Salmos 41:(4)5 Ñandejárape ha'e: “Che poriahurereko ha che monguera. Ivaíva niko ajapo ne renondépe.”

Salmos 42:(5)6,(11) Mba'ére piko kóicha añembyasy? Mba'ére piko che py'a tarova? Tupã rehénté voi ajeroviáta. Chupe amomba'e guasu jeýta. Ha'e hína Tupã, upe che pe'áva jejopy vaígui. (11)12 Mba'ére piko kóicha añembyasy? Mba'ére piko che py'a tarova? Tupã rehénté voi ajeroviáta. Chupe amomba'e guasu jeýta. Ha'e hína Tupã, upe che pe'áva jejopy vaígui. (Salmos 42:6,11; 43:5)

Salmos 56:(13)14 Nde niko nderehejái amano térã ha'a. Upéicha rupi aikóta Tupã renondépe ojeikoháicha ára sakãme.

Salmos 69:(10)11 Mba'eve nda'úi ramo ha nde rehe añembyasy, oñembohory che rehe hikuái.

Salmos 69:(18)19 Eju che rendápe ha che pytyvõ, umi che rayhu'ỹva pógui che pe'a.

Salmos 86:13 Nde niko che rayhu eterei, nde rehejái vaekue ha'a omanóva ohohápe.

Salmos 97:10 Ore Jára, nde rehayhu umi mba'e vai ndojaposéivape, reñangareko umi nde rehe ojeroviávare, ha renohẽ chupe kuéra umi iñañáva po guýgui.

Salmos 107:9 Ijyuhéivape omboy'u, iñembyahýivape omohyguãtã.

Salmos 116:4 Upémarõ Ñandejárape añembo'e, chupe ajerure che renohẽ haguã jejopy vaígui.

Salmos 116:8 Ha'e ndohejái amano, térã che resa henyhẽ tesaýgui, térã añepysãnga.

Salmos 119:28 Ñembyasy niko hatã che jopy, eju che andu ne ñe'ẽme.

Salmos 120:2 Che Jára ani reheja oñe'ẽ che rehe umi ijapúva, umi ijuru

hãimbéva.

Salmos 121:7 Ñandejára ndoheja mo'ãi ojehu ndéve mba'eve ivaíva, ha'e oñangarekóta nde rehe.

Salmos 124:7 Ku guyráicha ojehekýiva ñuhãgui, upéicha avei niko ñande. Upe ñuhã opẽ ha ñande ñasẽ javeve jaha.

Salmos 138:3 Ndéve añembo'e ha nde che rendu, che py'a remombarete.

Proverbios 6:32 Omendáva ndive oikóva naiñakã porãi, ha ipo rupi oñehundi.

Proverbios 22:25 Heko jojáva okaru hyguatã meve, heko añaáva katu opyta iñembyahýi.

Jeremías 20:13 Peropurahéi Ñandejárape, perohory chupe! Ha'e niko oipe'a ojepy'apývape iñaáva poguýgui.

Jeremías 31:25 Che niko amongaru ha amboy'u porãta umi ikane'õ ha ikangývape.

Ezequiel 13:20,21 Upévare che, pende Jára, ha'e: Che ndacha'ei umi mba'e pyapy ha akã rehe pejapóva peporoity haguã guyráicha ñuhãme. Che ajoráta umi pyapy rehegua peiporúva peporomosã haguã ha amosãsóta chupe kuéra. 21 Umi akã rehegua peiporúva avei amondoropáta ha che retã guápe aipe'áta pende hegui, ho'ave'ỹ haguã pende poguýpe ha ndaperaha mo'ã véima pene ndive. Péicha peikuaáta cheha opa mba'e Jára.

Mateo 10:28 Ani pekyhyje umi pende reténte ojukávagui, ha ikatu'ỹva ohundi pene ánga. Pekyhyje uvei Tupãgui, ikatúva ohundi pene ánga ha pende rete aña retãme.

Mateo 16:26 Mba'épa oguenohẽne yvypóra oguerekopárõ opaita mba'e ipópe, ha oñehundi ramo ha'e? Mba'eve! Mba'épa ikatúne yvypóra ome'ẽ oikove jey haguã? Mba'eve! (Marcos 8:36,37)

Mateo 22:37 Jesús he'i chupe: 'Ehayhu Tupã nde Járape ne nde py'aite guive, ne ánga rugua guive ha ne arandukue reheve.'

Mateo 26:38 Ha he'i chupe kuéra: Ñembyasy che jukátava niko che jopy. Pepyta che ndive ko'ápe, ha ani peke. (Marcos 14:34)

Marcos 12:30 Ehayhu Tupã nde Járape nde py'aite guive, ne ánga rugua guive ha ne arandukue reheve, ha ne mbaretekue reheve.

Lucas 12:20 Tupã katu he'i chupe: 'Nde, výro, ko pyharépe voi remanóta. Ha pe rerekóva iñongatupy piko mávape guarãta?

Lucas 21:19 Pejepytasóke, pehupyty haguã jeikove opa'ỹva.

Juan 12:27 Ko'ágã tuicha ajepy'apy aína. Ha piko mba'e ha'éta? Ikatúta nga'u piko ha'e: 'Che Ru, eipe'a che hegui ko jehasa asy ahasáva'? Upevarã voínte niko aju vaekue.

Hechos 14:22 Ko'ã henda rupi omokyre'ỹ Jesús reroviahápe, oñemoñe'ẽvo chupe kuéra oñemohatã haguã ijeroviápe, he'ívo, jaike haguã Tupã remisãmbyhýpe jahasa asy heta vaerãha.

Hechos 15:24 Roikuaa oĩ hague tapicha ohóva ko'águi ore ro'e'ỹre chupe kuéra, pene myangekói vaekue iñe'ẽme ha pene mokañy.

- 1 Corintios 15:45 Ñandejára Ñe'ẽ he'i kóicha: “Pe kuimba'e ypykue, Adán, Tupã ojapo vaekue peteĩ oikovéva ramo. Ha pe Adán ipaha pegua katu, ha'e peteĩ espíritu oporomoingovéva.
- 1 Tesalonicenses 5:23 Tupã voi, pe Tupã py'a guapy me'ẽhára, tojapo pende hegui imarangatu etéva, ha toheja peẽme opa pende reko, pende espíritu, pene ánga ha pende rete, mba'evépe ivai'ỹre, Ñandejára Jesucristo ou ramo guarã.
- Hebreos 6:19 Upe mba'e ñaha'arõva niko imbarete, ku ty'ãi guasu várko jokoháicha. Pe mba'e ñaha'arõva ohasáma yvága rokẽ mboypýri.
- Hebreos 10:39 Ha ñande ndaha'ei umi ohóva hapykuévo rehegua, ñañenupã haguã. Ñande hína umi osẽva jejopy vaígui jajeroivia rupi.
- Santiago 1:21 Peipe'a aipórõ, opa mba'e ky'a ha ñaña pya'ete oñemuñáva, ha perohory py'a porãme upe ñe'ẽ oñeñotỹ vaekue pende py'ápe ha ikatúva pene pysyrõ angaipágui.
- Santiago 5:20 peikuaáke pe ombojevýva angaipa ojaopóvape hape vaígui, oipe'aha hekove manógui, ha upéva rupive oipysyrõha heta angaipa.
- 1 Pedro 1:9 Péicha pehupyty pehóvo pe pende jerovia ohekáva, pene ánga ñepysyrõ.
- 1 Pedro 1:22 Ko'ágã peẽ, pehendúvo pe añetegua ñemomarandu, pene potĩ pehayhu porã haguã ñane pehẽngue kuérare. Aipórõ, pejoayhu vaerã py'a potĩme, ha pene mbarete ome'ẽháicha.
- 1 Pedro 2:11 Che pehẽngue kuéra ahayhúva, ajerure peẽme, hetãme oĩ'ỹvaicha, pehasánteve pehóvo ko yvy ári, ani pejeko yvypóra rembipotáre, opu'áva ñande py'áre.
- 1 Pedro 4:19 Ha upéicha, umi ohasa asýva Tupã oipota rupi, ojapo vaerã ohóvo mba'e porã tapia guáicha, ha omoĩ hi'ánga Tupã ijapohare pópe. Ha'e niko nopyrũi iñe'ẽre.
- 2 Pedro 2:7,8 Lótpe katu Tupã oipytyvõ vaekue. Lot niko peteĩ karai marangatu vaekue, ha ombyasy ohechávo mba'éichapa umi Sodomagua heko ky'a. 8 Ko kuimba'e marangatu, oiko vaekue ijapytépe kuérare, tuicha oguapy vaekue hese umi mba'e ky'a ha'e ohecha ha ohendúva ára ko'ẽre.
- 3 Juan 1:2 Che pehẽngue ahayhúva, Tupãme añembo'e nde rehe oho porãite haguã ndéve opaite mba'épe ha ne resãi haguã, oho porãháicha ndéve ne py'apýpe.